



Adresa: **Ul. H. Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: UP-1/21-3-40-155-4/22
Datum: 29.04.2022. godine

«Agencija za vodno područje rijeke Save» Sarajevo rješavajući po zahtjevu pravnog lica „TREPA TRADE“ d.o.o. Gračanica za donošenje rješenja o vodnoj dozvoli za ispuštanje oborinskih onečišćenih otpadnih voda u recipijent sa lokacije benzinske pumpe sa pratećim sadržajem „TREPA TRADE“ d.o.o. Gračanica, na osnovu člana 109. stav 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98 i 49/99), donosi

RJEŠENJE **o vodnoj dozvoli**

1. Pravnom licu „TREPA TRADE“ d.o.o. Gračanica daje se vodna dozvola za ispuštanje oborinskih onečišćenih otpadnih voda u recipijent sa lokacije benzinske pumpe sa pratećim sadržajem „TREPA TRADE“ d.o.o. Gračanica, izgrađene na zemljištu označenom kao k.č. broj: 1103/2 K.O. Doborovci.
 2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
 3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na objektu i pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 3.2. Da se u roku od maksimalno devet (9) mjeseci pravosnažnosti ovog Rješenja završe radovi na izgradnji sistema za prikupljanja oborinskih onečišćenih voda (kanali, linijske rešetke), a sve prema izjavi podnosioca zahtjeva od 28.04.2022. godine. Nakon završeni radova, nosilac prava iz ove vodne dozvole, dužan je pismeno obavijestiti ovu Agenciju.
 - 3.3. Skladištenje nafte i naftnih derivata vršiti u dvoplašnim čeličnim podzemnim rezervoarima ukupne zapremine $V=60\text{ m}^3$ sa pripadajućom armaturom za rukovanje, praćenje i sigurnost rada.
 - 3.4. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječe dospijevanje nafte i naftnih derivata u podzemne i površinske vode.
 - 3.5. Korisnik poslovnog objekta za sve vrijeme trajanja ove vodne dozvole, mora obezbjediti da se oborinske onečišćene vode sa lokacije predmetne benzinske pumpe nesmetano sakupljaju i odvođe do ugrađenih separatora ulja i naftnih derivata, te preko okna za monitoring ispuštaju u sistem za odvodnju oborinskih voda regionalnog puta (Roz4), a zatim preko otvorenog kanala za odvodnju oborinskih voda ispuštaju u Doborovačku rijeku.
 - 3.6. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20). Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- Izvjestaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu

- člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/3, 26/14, 15/17, 23/17 i 41/20).
- 3.7. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent, zadovolje granične vrijednosti emisije definisane članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20).
 - 3.8. Korisnik poslovnog objekta je obavezan da izgrađene objekte, a čija svrha je odvođenje i prečišćavanje onečišćenih voda, redovno održava i koristi na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
 - 3.9. Prikupljanje, odvoz i konačno zbrinjavanje opasnog otpada sa lokacije predmetne benzinske pumpe sa pratećim sadržajima može vršiti isključivo firma ovlaštena za tu vrstu djelatnosti, prema sklopljenom ugovoru. Korisnik je obavezan da redovno vodi dnevnik o pražnjenju i odvozu sadržaja separatora ulja i masti, izdvojenim naftnim derivatima i talogu iz taložnika i separatora ulja i masti.
 - 3.10. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (materijal za upijanje: piljevina, prikladni adsorbensi, odgovarajuće posude, uređaji za pretakanje i sl.).
 - 3.11. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 22. te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove vodne dozvole, pravno lice, odnosno korisnik objekta „TREPA TRADE“ d.o.o. Gračanica je dužan provoditi sve mjere i aktivnosti propisane istom.
 6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektu predmetne benzinske pumpe obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
 7. Vodna dozvola se daje do 19.12.2023. godine shodno članu 26. stav (1) Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20, 96/20). Prije isteka ovog roka pravno lice je dužno zatražiti produženje iste. Ova vodna dozvola prestaje da važi u slučaju da se ne ispune uslovi iz tačke: 3.2. definisane na osnovu dostavljene izjave i predviđenog roka završetka radova.
 8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.
 10. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice „TREPA TRADE“ d.o.o. Gračanica se obratilo ovoj Agenciji sa zahtjevom za donošenje rješenja o vodnoj dozvoli za ispuštanje oborinskih onečišćenih otpadnih voda u recipijent sa lokacije benzinske pumpne stanice sa pratećim sadržajem „TREPA TRADE“ d.o.o. Gračanica, izgrađene na zemljištu označenom kao k.č. broj: 1103/2 K.O. Doborovci.

U provedenom postupku dostavljena je i pregledana slijedeća dokumentacija:

- Ovjerena kopija Aktuelnog izvoda iz sudskog registra broj: 032-0-Reg-21-000157 od 04.02.2022. godine izdat od Kantonalnog suda u Tuzli;
- Ovjerena kopija Uvjerenja o poreznoj registraciji donesenog od strane Porezne uprave – Kantonalni ured Tuzla, 12.04.2019.godine;
- Kopija Rješenja o vodnoj saglasnosti broj: UP-I/25-2-40-419-4/16 od 14.09.2016. godine izdata od strane „Agencija za vodno područje rijeke Save“ Sarajevo;
- Kopija Rješenja o odobrenju za građenje, broj: 06-23-103995-2016 od 28.03.2014 godine izdata od strane Službe za prostorno uređenje, geodetske i imovinsko-pravne poslove, Općina Gračanica;
- Kopija Rješenja o urbanističkoj saglasnosti, broj: 06-23-02284-2014 od 23.12.2016 godine izdata od strane Službe za prostorno uređenje, geodetske i imovinsko-pravne poslove, Općina Gračanica;
- Ugovor o zakupu poslovnog prostora, zaključen dana 22.08.2019. godine u Gračanici;
- Punomoć zastupnika podnosioca zahtjeva;
- Glavni projekat vanjskih hidroinstalacija, vodosnabdijevanja, ispuštanja tehnoloških otpadnih voda i ispuštanje sanitarno-fekalnih otpadnih voda sa benzinske pumpe sa pratećim sadržajem broj: 10-IB-G-K-/16 urađen od strane „IBIS“ d.o.o. Zavidovići, juni 2016 godine;
- Izvještaj o izvršenoj kontroli glavnog projekta benzinske pumpe sa pratećim sadržajem, urađen od strane „ZIBL“ a.d. BANJA LUKA;
- Dokaz o uplati upravne pristojbe i administrativna taksa na zahtjev.

Nakon pregleda dostavljene dokumentacije, u skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20) izvršen je obilazak predmetne lokacije i tom prilikom je sačinjen zapisnik o uviđaju broj: UP-1/21-3-40-155-2/22 od 26.04.2022. godine i konstatovano slijedeće:

Benzinska pumpa „TREPA TRADE“ d.o.o. Gračanica nalazi se u naselju Doborovci, grad Gračanica. Na lokalitetu su izgrađeni slijedeći sadržaji: benzinska stanica sa prodajnim objektom i automatima za istakanje goriva, nadstrešnica, parking i manipulativni prostor.

Skladištenje nafte i naftnih derivata se vrši u čeličnim dvoplašnim podzemnim rezervoarima ukupne zapremine $V = 60 \text{ m}^3$.

Na predmetnoj lokaciji nastaju oborinske onečišćene vode sa manipulativnih površina koje se prikupljaju putem slivnika te internom kanalizacionom mrežom odvođe do tipskog separatora, te preko okna za monitoring ispuštaju u reviziono okno od oborinskih voda regionalnog puta (Roz4), a zatim preko otvorenog kanala za odvodnju oborinskih voda ispuštaju u Doborovačku rijeku.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i članova 14., 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Tačkom 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada („Službene novine Federacije BiH“, broj 46/07). Na osnovu provedenog postupka konstatuje se da je podnosilac zahtjeva „TREPA TRADE“ d.o.o. Gračanica ispunio minimum uslova za izdavanje vodne dozvole za ispuštanje oborinskih onečišćenih voda sa lokacije benzinske pumpne stanice sa pratećim sadržajem „TREPA TRADE“ d.o.o. Gračanica, izgrađene na zemljištu označenom kao k.č. broj: 1103/2 K.O. Doborovci, te je riješeno kao u dispozitivu ovog Rješenja.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.


Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Meho Čaušević, Bsc.ing.građ.

Prilog:

- Glavni projekat vanjskih hidroinstalacija, vodosnabdijevanja, ispuštanja tehnoloških otpadnih voda i ispuštanje sanitarno-fekalnih otpadnih voda sa benzinske pumpe sa pratećim sadržajem broj: 10-IB-G-K/16 urađen od strane „IBIS“ d.o.o. Zavidovići, juni 2016 godine;
- Izvještaj o izvršenoj kontroli glavnog projekta benzinske pumpe sa pratećim sadržajem, urađen od strane „ZIBL“ a.d. BANJA LUKA;

Po ovlaštenju
Rukovodilac sektora za izdavanje vodnih akata



Haris Ališehović, dipl.ing.građ.

Dostaviti:

- „TREPA TRADE“ d.o.o., Gračanica, ul. Branilaca grada b.b, Gračanica
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava